



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Prophetia Apocalyptic S. Joannis Apostoli**

**Kircher, Heinrich**

**Coloniæ Agrippinæ, 1676**

§. III. Descriptio Locustarum.

**urn:nbn:de:hbz:466:1-39100**

delicit, quia in mensibus secundum Lunam, quos solos Hebrai, de quibus sermo est, non erunt vel computant, mutabilitas crementi vel decrementi est; quæ & stultorum mutabilitatem significat, dicente Scriptura, Stultus ut Luna mutatur. Et infra: Potestas eorum nocere hominibus, mensibus quinque: id est servituti eos subjecere per vices quinque. Ita ille.

Sed enim multò aliud Mysterium & evidenter aperitur in his mensibus: Et quidem dupli ex capite & sensu.

**Cruciatus mensibus quinque.** Primò: constat eos Lunati circuitu-  
effici: Et Lunationes esse Turcarum proprias, qui habent Lunam pro insigni, pro tutela, pro ornamento; & incrementa ejus ac decrementa pro superstitioso augurio: urbes ipsæ signan-  
tur Lunā in mappis geographicis, & datur intelligi eas esse in ditione Tur-  
carum. Lunationes autem quinque significant totidem mutationes (Eccl. 27. v. 12. Ut Luna mutatur) quæ acci-  
derint in Imperio Turcarum inde à prima regni hujus origine: & est numerus Lunationum quinarius, id est

imperfectus in serie numerorum, ut pote dimidijs denarii qui est numerus perfectus. Computet peritus revolutionum Turcicarum mutationes quæ intervenerunt usque ad nostrā tempora: & divinet quid restet ab accom-  
plitione quinarii; speretque prope abesse calum illius Jericho. Secundò: merito Schismatici subjecti sunt Lunæ Mohometicæ: quia elegerunt mutari per schismata: & patiuntur vices stulti-  
tiae sui ipsorum. In quos cadit illa expo-  
sitio Ruperti in hunc locum (quam ille applicat variæ servituti Israëlitarum: ) Quod ergo dictum est; sed ne crucientur mensibus quinque; idem est at si diceretur: sed ut quinques in stulti-  
tiam mutati in servitutem redigerentur per vices quinque. Videlur Apoca-  
lypsis hoc numero inundationis Locu-  
starum respicisse ad inundationem quasi diluvii Asiatici; nam illa in Genesi obtinuit terram diebus centum quin-  
quaginta, qui sunt menses quinque; cap. 7. v. 24.

### §. III.

#### Descriptio Locustarum.

Jam quod ad Locustas attinet, hæ aptissimè referunt Turcas.

**Locusta, i.** Est locustæ materiali apud Italos animal infe-  
stum. Nomen Cavaleta, quod sonat parvum Equum: eò quodd speciem gerat equi cataphracti, animal lorica-  
tum. Habet pinnas pro aculeis: va-

stat agros ac devorat: inquietum & vagum: agmen earum impudens quod omnia percurrit saltu ac volatu: fodi-  
dum quod omnia inquinat quantumvis munda aut regia. Ipse cum sint vi-  
les

L

les & exiguae, totas provincias depascuntur & abliguriunt.

2. Sequitur in Apocalypsi descriptio Turcici Imperii ad vivum. SIMILES, inquit, EQUIS PARATIS IN PRÆLIUM: ob audaciam armorum & professionem atque ardorem belli in quo ponunt omnia.

SUPER CAPITA EARUM TANQUAM CORONÆ SIMILES AURO. Habent verò, habent capita coronata velut auro: coronam in Syria ubi Damascus sedes est Regni: in Palæstina, ubi Hierosolymæ: in Africa, Tuneti: in Thracia, Constantinopoli: in Asia minore, Trapezuntii quæ est civitas Cappadociæ: ut omittam Reges & Principes tributarios in Bulgaria, Servia, &c.

FACIES EARUM TANQUAM FACIES HOMINUM. Quod manifestissimè ostendat non esse alios quam homines: immò & præse ferre ac servare certas leges humanitatis ac politiæ, cùm erga exteris, tūm inter se præsertim.

HABEBANT CAPILLOS SICUT MULIERUM: Agathias lib. 1. scribit fuisse intorsos, sordidos, implexos, squalidos. Hodieque alunt circum aut crinem pendulum ex occipite; mulierum autem appellatione notatur eorum polygamia & mulierositas.

DENTES EARUM SICUT DENTES LEONUM. Ea est feritas in comminuendo quod ceperint; retinendoque mordicus, tanquam dentibus: Barbara & arrogans in rapiendo & subjugando, tanquam Leonum. Est & dentium leonis, naturalem af-

ferre putorem; infami mancipatu detinere. HABEBANT LORICAS SICUT LORICAS FERREAS. Pectus ac præcordia indurata, bellicosa, ferrea.

VOX ALARUM EARUM SICUT VOX CURRUUM EQUORUM MULTORUM CURRENTIUM IN BELLUM. Quis nescit eos pollere multitudine qua se effundunt in bellum: ac maximè equitatu valere, ac velut alatorum curruum sono perstrepare atque horrendam vociferatione additâ procurrere in aciem?

HABEBANT CAUDAS SIMILES SCORPIONUM, ET ACULEI ERANT IN CAUDIS EARUM: Vulnerant etiam animas, & aculeum infigunt apostasiam: non velut à fronte & aperte, ita ut extorres omnes Christianos; sed fraudulenter; implicando velut caudâ quam alliciunt, aut pertrahendo captivitate quam feriunt & premunt. Rupertus Abbas Com. lib. 5. *Scorpions*, inquit, prius capite blanditur; & post caudâ feriens mortifera venena diffundit. POTESTAS EARUM NOCERE HOMINIBUS: Violenta; & insidiosa; genio ac formâ eompositâ (prout hîc describitur) non ex solis locustis, sed commixta ex homine, leone, scorpio, & equo: præparatione belli ut equorum armatorum; facie, ut hominum; dentibus, ut leonum: caudis & aculeo tenus, scorpionum: multitudine, inquietudine, vexatione, ac vastatione locustarum. MENSIBUS QUINQUE: Circulo Lunari; de quo diximus §. præcedente. 3. ET

Rex lo-  
custa-  
rum.

Cur ei  
nomen  
Hebra-  
icè &  
Græcè.

3. ET HABEBANT SUPER SE REGEM &c. Cùm locustæ materiales Regem non habeant, ut dicitur Prov. 30. 27. At hæ habent, quia homines sunt. Regi NOMEN est Exterminator; talem enim se profitetur gladio & scætâ: videlicet, Regnorum Christianorum eversorem per vim & apertum Martem; Religionis autem etiam per infidias caudæ & aculeum captivitatis, morte durioris. Hoc nomen posuit Latinus interpres: nam in autographo Joannis non est nisi nomen Hebreum A BADDON &

Græcum APOLLYON: quæ duo nomina in his duobus idiomatis sola ponuntur expressa in Apocalypsi; propterea quod in his maximè linguis duabus & terris processerit exterminatio. Quam exercendo meritò appellatur ANGELUS ABYSSI: tām is qui cadit sub aspectum & præst puto abyssi, ac sceptrum tenet scætâ; quām is à quo ille regitur & qui præsidet superstitioni, Angelus inferni.

Hactenus primum Væ, & Exterminationis Orientalis viva repræsentatio,

Angelus  
abyssi.

Aperi, Lector, viscera misericordiæ Christianæ: & compateret terris celeberrimis, olim populo illustri à doctrina & fide, seminario SS. Patrum & Doctorum: obruto nunc ignorantia & cæcitate partim adhuc manifestarum hæreseon veterum à Conciliis & antecessoribus illiusmet populi damnatarum, quas commemoravimus ex Apocalypsi ad Tubam primam & secundam; partim Schismatis Ecclesiastici, ac defectionis in chaos errorum, ad Tubam tertiam & quartam: Jamque ad Tubam quintam vastitate, proculcatione ac jugo intolerando Turcarum & superstitione, quibus succubuit. Sit exemplo cæteris Ecclesiis particularibus, ut ne deserant unitatem ejus Ecclesiæ in qua semper Apostolica cathedra viguit principatus (Aug. Ep. 162. ad Elorium;) & ut exhortarent occasionem schismatis, lernam tantorum malorum. Comedat nos zelus Domus Dæt, parietum ejus (heu parietinarum!) Orientalium: commoveat splendor sublatus Orienti; & salus populorum ac reductio à schismate quod fuit illis fons exitii.

L 2

TRACTA-

